

039

728

NERMIN BJELAK, zastupnik u Skupštini Kantona Sarajevo

SKUPŠTINA KANTONA SARAJEVO

n/r Ana Babić, predsjedateljica

ul. Reisa Džemaludina Čauševićabr. 1

**Bosna i Hercegovina
Federacija Bosne i Hercegovine
KANTON SARAJEVO**

PR. BROJ	16-05-2017	Redni broj	Broj priloga
Organizacioni broj			
01			

PREDMET: Amandmani na Prijedlog zakona o visokom obrazovanju, **dostavlja se**

AMANDMAN I

U skladu sa Poslovníkom Skupštine Kantona Sarajevo dostavljam sljedeće amandmane na Prijedlog zakona o visokom obrazovanju, kako slijedi;

U članu 133. nakon stav (2) Prijedloga Zakona o visokom obrazovanju dodati nove st. (3), (4) i (5) koji glase:

(3) Upravni odbor visokoškolske ustanove može donijeti odluku o prijevremenom razrješenju rukovodioca visokoškolske ustanove/organizacione jedinice u sljedećim slučajevima:

a) ukoliko rukovodilac visokoškolske ustanove/organizacione jedinice ne primjenjuje zakonske i podzakonske propise ili ih pogrešno primjenjuje i takvim postupanjem proizvede finansijsku obavezu za visokoškolsku ustanovu/organizacionu jedinicu.

b) ukoliko odbija da izvrši odluke i zaključke upravnog odbora;

c) ukoliko rukovodilac visokoškolske ustanove/organizacione jedinice provodi radnje i aktivnosti izvan zakonom i statutom utvrđene nadležnosti ili samostalno preduzima radnje i aktivnosti bez prethodne saglasnosti upravnog odbora čija finansijska vrijednost prelazi novčani iznos kojim prema statutu može samostalno raspolagati;

d) ukoliko rukovodilac visokoškolske ustanove/organizacione jedinice nanese materijalnu/finansijsku štetu ili dovede u pitanje ugled visokoškolske ustanove/organizacione jedinice;

e) ukoliko neodgovornim rukovođenjem onemogući visokoškolsku ustanovu/organizacionu jedinicu u ostvarenju prihoda kroz realizaciju međunarodnih i domaćih projekata ili ostvarenim prihodom po tom osnovu nenamjenski raspoláže;

f) ukoliko rukovodilac visokoškolske ustanove/organizacione jedinice sačinjava ili dostavlja šestomjesečni ili godišnji izvještaj o radu sa finansijskim poslovanjem kojim se ne osigurava potpuna transparentnost rada i poslovanja.

(4) U slučaju donošenja odluke iz stava (3) ovog člana funkciju rukovodioca visokoškolske ustanove/organizacione jedinice vrši lice određeno statutom, a koje je obavezno u roku od sedam dana od dana donošenja odluke upravnog odbora sazvati sjednicu senata/vijeća na kojoj

se donosi odluka o imenovanju vršioca dužnosti rektora/rukovodioca organizacione jedinice i raspisivanju konkursa za izbor rektora/rukovodioca organizacione jedinice.

(5) Nakon donošenja odluke iz stava (4) ovog člana daljnji postupak se provodi analogno postupku izbora rektora odnosno rukovodioca organizacione jedinice.

Obrazloženje:

Kako prijedlozi i sugestije koje sam sa kolegama Harisom Plehom i Rasimom Smajićem dostavio u toku javne rasprave nisu usvojene, a rukovodeći se činjenicom da je ponuđeno rješenje koje se odnosi na odgovornost rektora i dekana za poslovanje visokoškolske ustanove/organizacione jedinice u suprotnosti sa Okvirnim zakonom o visokom obrazovanju u BiH, ulažemo amandman kako je naprijed navedeno. Okvirni zakon o visokom obrazovanju u članu 14. propisuje da odgovornost za poslovanje visokoškolske ustanove nosi upravni odbor, odnosno u članu 17. propisuje da rektor Univerziteta za svoj rad u domenu poslovanja odgovara upravnom odboru. Uvažavajući činjenicu da senat i nastavno-naučno vijeće nemaju nadležnost za pitanja poslovanja proizilazi i da ne mogu odlučivati o odgovornosti rektora i dekana u domenu finansija.

AMANDMAN II

U članu 134. nakon stav (5) Prijedloga Zakona o visokom obrazovanju dodati nove st. (6) i (7) koji glase:

(5) Prorektor učestvuje u radu senata bez prava glasa.

(6) Prorektor koji po ovlaštenju rukovodioca visokoškolske ustanove predsjedava sjednicom senata u odsutnosti rukovodioca visokoškolske ustanove ima pravo glasa.

Dosadašnji stav (6) postaje stav (7).

Obrazloženje

Predloženo rješenje je u funkciji osiguranja pune jednakopravnosti svih članica Univerziteta u Sarajevu odnosno onemogućuje debalans u postupku izjašnjavanja. Kako su fakulteti/akademije već zastupljeni u senatu sa svojim članom kroz dekana (ili drugog ovlaštenog lica) priznavanje prava glasa prorektorima koji opet dolaze sa fakulteta/akademija narušio bi se princip ravnopravnosti.

Također, smatramo da je predloženo rješenje u naprijed formulisanom amandmanu u skladu sa praksom država u okruženju, ako primjer se može navesti član 18. Statuta Sveučilišta u Zagrebu koji propisuje:

Zadaće i ovlasti prorektora

Članak 18.

(1) Prorektor je član Rektorskog kolegija, **te sudjeluje u radu Senata bez prava glasovanja.**

(2) Rektor može ovlastiti prorektora da ga zamjenjuje u zastupanju i predstavljanju Sveučilišta, te u obavljanju određenih poslova iz njegove nadležnosti iz članka 13. stavak 1. toč.1-4., 11. i 13. ovog Statuta.

(2) Rektor može ovlastiti prorektora da ga zamjenjuje u zastupanju i predstavljanju Sveučilišta, te u obavljanju određenih poslova iz njegove nadležnosti iz članka 13. stavak 1. toč.1-4., 11. i 13. ovog Statuta.

(3) Prorektor koji po ovlasti rektora vodi sjednicu Senata ima u odsutnosti rektora pravo glasovanja.

Zastupnik u Skupštini Kantona Sarajevo

Nermin Bjelak


